


ONE HUNDRED
FAMOUS CLASSICS
IN CHINA

漢書

(7)

中國
古典
名著
百部





中国古典名著百部

汉

书

【二】

西汉·班固/著

远方出版社

汉书卷二八 志第八

地 理

昔在黄帝，作舟车以济不通，旁行天下，方制万里，画墁分州，得百里之国万区。是故《易》称“先王建万国，亲诸侯”，《书》云“协和万国”，此之谓也。尧遭洪水，裹山裹陵，天下分绝，为十二州，使禹治之。水土既平，更制九州，列五服，任土作贡。

曰：禹敷土，随山栞木，奠高山大川。

冀州既载，壶口治梁及岐。既修太原，至于岳阳，覃怀底绩，至于衡章。厥土惟白壤。厥赋上上错，厥田中中。恒、卫既从，大陆既作。鸟夷皮服。夹右碣石，入于河。

沛、河惟兖州。九河既道，雷夏既泽，雍、沮会同，桑土既蚕，是降丘宅土。厥土黑坟，中繇木条。厥田中下，赋贞，作十有三年乃同。厥贡漆丝，厥斐织文。浮于沛、漯，通于河。

海，岱惟青州。嵎夷既略，惟留其道。厥土白坟，海濒广瀋。田上下，赋中上。贡盐、絺，海物惟错。岱畎丝、枲、铅、松、怪石，莱夷作牧，厥斐棨丝。浮于汶，达于沛。

海、岱及淮惟徐州。淮、沂其乂，蒙、羽其艺。大野既猪，东原底平。厥土赤埴坟，草木渐包。田上中，赋中中。贡土五

◆ 中国古典名著百部

色，羽畎夏狄，峯阳孤桐，泗滨浮磬，淮夷蠙珠泊鱼，厥篚玄纁繄。浮于淮、泗，达于河。

淮、海惟扬州。彭蠡既猪，阳鸟道居。三江既入，震泽底定。篠簜既敷，中夭木乔。厥土涂泥。田下下，赋下上错。贡金三品，瑶、琨、篠簜，齿、革、羽毛，鸟夷卉服，厥篚织贝，厥包橘、柚，锡贡。均江海，通于淮、泗。

荆及衡阳惟荆州。江、汉朝宗于海。九江孔殷，沱、潜既道，云梦土作义。厥土涂泥。田下中，赋上下。贡羽旄、齿、革，金三品，杶、干、栝、柏、厉、砥、谿、丹，惟箛簞、桔，三国底贡厥名，包匭菁茅，厥篚玄纁玕组，九江纳锡大龟。浮于江、沱、潜、汉，逾于洛，至于南河。

荆、河惟豫州。伊、雒、瀍、涧既入于河，荥、波既猪，道荷泽，被盟猪。厥土惟壤，下土坟垆。田中上，赋错上中。贡漆、枲、纁、纁、纁、纁，锡贡磬错。浮于洛，入于河。

华阳、黑水惟梁州。岷嶓既艺，沱、潜既道，蔡、蒙旅平，和夷底绩。厥土青黎。田下上，赋下中三错。贡璆、铁、银、镂，谿、磬，熊、黑、狐、狸、织皮。西顷因桓是侏，浮于潜，逾于沔，入于渭，乱于河。

黑水、西河惟雍州。弱水既西。泾属渭汭。漆、沮既从，酆水道同。荆、岐既旅，终南、惇物，至于鸟鼠。原隰底绩，至于猪野。三危既宅，三苗丕叙。厥土黄壤。田上上，赋中下。贡球、琳、琅玕。浮于积石，至于龙门西河，会于渭汭。织皮昆仑、析支、渠叟，西戎即叙。

道汧及岐，至荆山。逾于河；壶口、雷首，至于大岳；底柱、析城，至于王屋；太行、恒山，至碣石，入于海。西倾、朱圉、鸟鼠，至于大华；熊耳、外方、桐柏，至于倍尾。道嶓冢，至于荆山；内方，至于大别；岷山之阳，至于衡山，过九江，至于敷浅原。

道弱水，至于合黎，余波入至流沙。道黑水，至于三危，入于南海。道河积石，至于龙门，南至于华阴，东至于底柱，又东至于盟津。东过洛汭，至于大伾，北过降水，至于大陆，又北播为九河，同为逆河，入于海。嶠冢道漾，东流为汉，又东为沧浪之水，过三澨，至于大别，南入于江，东汇泽为彭蠡，东为北江，入于海。岷山道江，东别为沱，又东至于醴，过九江，至于东陵，东迤北会于汇，东为中江，入于海。道沔水，东流为沔，入于河，轹为茱，东出于陶丘北，又东至于荷，又东北会于汶，又北东入于海。道淮自桐柏，东会于泗、沂，东入于海。道渭自鸟鼠同穴，东会于酆，又东至于泾，又东过漆、沮，入于河。道洛自熊耳，东北会于涧、壘，又东会于伊，又东北入于河。

九州道同，四奥既宅，九山刊旅，九川涤原，九泽既陂，四海会同。六府孔修，庶土交正，底慎财赋，咸则三壤，成赋中国。锡土姓：“祗台德先，不距朕行。”

五百里甸服：百里赋内总，二百里内饬，三百里内夏服，四百里粟，五百里米。五百里侯服：百里采，二百里男国，三百里诸侯。五百里绥服：三百里揆文教，二百里奋武卫。五百里要服：三百里夷，二百里蔡。五百里荒服：三百里蛮，二百里流。东渐于海，西被于流沙，朔、南泊，声教讫于四海。

禹锡玄圭，告厥成功。

后受禅于虞，为夏后氏。

殷因于夏，亡所变改。周既克殷，监于二代而损益之，定官分职，改禹徐、梁二州合之于雍、青，分冀州之地以为幽、并。故《周官》有职方氏，掌天下之地，辩九州之国。

东南曰扬州：其山曰会稽，藪曰具区，川曰三江，寢曰五湖；其利金、锡、竹箭；民二男五女；畜宜鸟兽，谷宜稻。

正南曰荊州：其山曰衡，藪曰云梦，川曰江、汉，浸曰潁，湛；其利丹、银、齿、革；民一男二女；畜及谷宜，与扬州同。

河南曰豫州：其山曰华，藪曰圃田，川曰荻、雒，浸曰波、滎；其利林、漆、丝枲；民二男三女；畜宜六扰，其谷宜五种。

正东曰青州：其山曰沂，藪曰孟诸，川曰淮、泗，浸曰沂、沐；其利蒲、鱼；民二男三女；其畜宜鸡、狗，谷宜稻、麦。

河东曰衮州：其山曰岱，藪曰泰野，其川曰河、洧，浸曰卢、潍，其利蒲、鱼；民二男三女，其畜宜六扰，谷宜四种。

正西曰雍州：其山曰岳，藪曰弦蒲，川曰泾、汭，其浸曰渭、洛；其利玉、石；其民三男二女；畜宜牛、马，谷宜黍、稷。

东北曰幽州：其山曰医无闾，藪曰豸养，川曰河洧，浸曰菑、时；其利鱼、盐；民一男三女；畜宜四扰，谷宜三种。

河内曰冀州：山曰霍，藪曰扬纡，川曰漳，浸曰汾、潞；其利松、柏；民五男三女；畜宜牛、羊，谷宜黍、稷。

正北曰并州：其山曰恒山，藪曰昭余祁，川曰厚池、呕夷，浸曰涿、易；其利布、帛；民二男三女；畜宜五扰，谷宜五种。

而保章氏掌天文，以星土辩九州之地，所封封域皆有分星，以视吉凶。

周爵五等，而土三等：公、侯百里，伯七十里，子、男五十里。不满为附庸，盖千八百国。而大昊、黄帝之后，唐、虞侯伯犹存，帝王图籍相踵而可知。周室既衰，礼乐征伐自诸侯出，转相吞灭，数百年间，列国耗尽。至春秋时，尚有数十国，五伯迭兴，总其盟会。陵夷至于战国，天下分而为七，合从连衡，经数十年，秦遂并兼四海。以为周制微弱，终为诸侯所丧，故不立尺土之封，分天下为郡县，荡灭前圣之苗裔，靡有孑遗者矣。

汉兴，因秦制度，崇恩德，行简易，以抚海内。至武帝攘却胡、越，开地斥境，南置交趾，北置朔方之州，兼徐、梁、幽、并、夏、周之制，改雍曰凉，改梁曰益，凡十三部置刺史。先王之迹既远，地名又数改易，是以采获旧闻，考迹《诗》《书》，推表

山川，以缀《禹贡》、《周官》、《春秋》，下及战国、秦、汉焉。

京兆尹，故秦内史，高帝元年属塞国，二年更为渭南郡，九年罢，复为内史。武帝建元六年分为右内史，大初元年更为京兆尹。元始二年户十九万五千七百二，口六十八万二千四百六十八。县十二：长安，高帝五年置。惠帝元年初城，六年成。户八万八百，口二十四万六千二百。王莽曰常安。新丰，骊山在南，故骊戎国。秦曰骊邑。高祖七年置。船司空，莽曰船利。蓝田，山出美玉，有虎候山祠，秦孝公置也。华阴，故阴晋，秦惠文王五年更名宁秦，高帝八年更名华阴。太华山在南，有祠，豫州山。集灵宫，武帝起。莽曰华坛也。郑，周宣王弟郑桓公邑。有铁官。湖，有周天子祠二所。故曰胡，武帝建元元年更名湖。下邳，南陵，文帝七年置。沂水出蓝田谷，北至霸陵入霸水。霸水亦出蓝田谷，北入渭。奉明，宣帝置也。霸陵，故芷阳，文帝更名。莽曰水章也。杜陵。故杜伯国，宣帝更名。有周右将军杜主祠四所。莽曰饶安也。

左冯翊，故秦内史，高帝元年属塞国，二年更名河上郡，九年罢，复为内史。武帝建元六年分为左内史，太初元年更名左冯翊。户二十三万五千一百一，口九十一万七千八百二十二。县二十四：高陵，左辅都尉治。莽曰千春。栎阳，秦献公自雍徙。莽曰师亭。翟道，莽曰涣。池阳，惠帝四年置。嶺辟山在北。夏阳，故少梁，秦惠文王十一年更名。《禹贡》梁山在西北，龙门山在北。有铁官。莽曰冀亭。衙，莽曰达昌。粟邑，莽曰粟城。谷口，九嶷山在西。有天齐公、五床山、仙人、五帝祠四所。莽曰谷喙。莲勺，酈，莽曰修令。频阳，秦厉公置。临晋，故大荔，秦获之，更名。有河水祠。芮乡，故芮国。莽曰监晋。重泉，莽曰调泉。郃阳，设祠，景帝二年置。武城，莽曰桓城。沈阳，莽曰制昌。襄德，《禹贡》北条荆山在南，下有强梁原。洛

◆ 中国古典名著百部

水东南入渭，雍州浸。莽曰德欢。征，莽曰汜爱。云陵，昭帝置也。万年，高帝置。莽曰异赤。长陵，高帝置。户五万五十七，口十七万九千四百六十九。莽曰长平。阳陵，故弋阳，景帝更名。莽曰渭阳。云阳，有休屠、金人及径路神祠三所，越巫觭鄴祠三所。

右扶风，故秦内史，高帝元年属雍国，二年更为中地郡。九年罢，复为内史。武帝建元六年分为右内史，大初元年更名主爵都尉为右扶风。户二十一万六千三百七十七，口八十三万六千七十。县二十一：渭城，故咸阳，高帝元年更名新城，七年罢，属长安。武帝元鼎三年更名渭城。有兰池宫。莽曰京城。槐里，周曰大丘，懿王都之。秦更名废丘。高祖三年更名。有黄山宫，孝惠二年起，莽曰槐治。郿，古国。有扈谷亭。扈，夏启所伐。酆水出东南，又有漓水，皆北过上林苑入渭。有萯阳宫，秦文王起。酆屋，有长杨宫，有射熊馆，秦昭王起。灵轺渠，武帝穿也。酆，周后稷所封。郁夷，《诗》“周道郁夷”。有沔水祠。莽曰郁平。美阳，《禹贡》岐山在西北。中水乡，周文王所邑。有高泉宫，秦宣太后起也。郿，成国渠首受渭，东北至上林入蒙笼渠。右辅都尉治。雍，秦惠公都之。有五峙，太昊、黄帝以下祠三百三所。橐泉宫，孝公起。祈年宫，惠公起。械阳宫，昭王起。有铁官。漆，水在县西。有铁官。莽曰漆治。枸邑，有豳乡。《诗》豳国，公刘所邑。隃麋，有黄帝子祠。莽曰扶亭。陈仓，有上公、明星、黄帝孙、舜妻盲冢祠。有羽阳宫，秦武王起也。杜阳，杜水南入渭。《诗》曰“自杜”。莽曰通杜。汧，吴山在西，古文以为汧山。雍州山。北有蒲谷乡弦中谷，雍州弦蒲藪。汧水出西北，入渭。芮水出西北，东入泾。《诗》芮隄，雍州川也。好峙，塿山在东。有梁山宫，秦始皇起。莽曰好邑。虢，有黄帝子、周文武祠。虢宫，秦宣太后起也。安陵，惠帝置。莽曰嘉平。茂陵，武帝置。户六万一千八十七，口二十七万

七千二百七十七。莽曰宣城。平陵，昭帝置。莽曰广利。武功，大壹山，古文以为终南。垂山，古文以为敦物，皆在县东。斜水出衙领山北，至郿入渭。褒水亦出衙领，至南郑入沔。有垂山、斜水、淮水祠三所。莽曰新光。

弘农郡，武帝元鼎四年置。莽曰右队。户十一万八千九十一，口四十七万五千九百五十四。有铁官，在龟池。县十一：弘农，故秦函谷关。衙山领下谷，烛水所出，北入河。卢氏，熊耳山在东。伊水出，东北入雒，过郡一，行四百五十里。又有育水，南至顺阳入沔。又有洱水，东南至鲁阳，亦入沔。皆过郡二，行六百里。莽曰昌富。陕，故虢国。有焦城，故焦国。北虢在大阳，东虢在荥阳，西虢在雍州。莽曰黄眉。宜阳，在龟池有铁官也。龟池，高帝八年夏龟池中乡民。景帝中二年初城，徙万家为县。谷水出谷阳谷，东北至谷城入雒。莽曰陕亭。丹水，水出上雒冢领山，东至析入钧。密阳乡，故商密也。新安，《禹贡》涧水在东，南入雒。商，秦相卫鞅邑也。析，黄水出黄谷，鞠水出析谷，俱东至郿入湍水。莽曰君亭。陆浑，春秋迁陆浑戎于此。有关。上雒。《禹贡》雒水出冢领山，东北至巩入河，过郡二，行千七十里。豫州川。又有甲水，出秦领山，东南至锡入沔，过郡三，行五百七十里。熊耳获舆山在东北。

河东郡，秦置。莽曰兆阳。有根仓、湿仓。户二十三万六千八百九十六，口九十六万二千九百一十二。县二十四：安邑，巫咸山在南，盐池在西南。魏绛自魏徙此，至惠王徙大梁。有铁官、盐官。莽曰河东。大阳。吴山在西，上有吴城，周武王封太伯后于此，是为虞公，为晋所灭。有天子庙。莽曰勤田。猗氏，解，蒲反，有尧山、首山祠。雷首山在南。故曰蒲，秦更名。莽曰蒲城。河北，《诗》魏国，晋献公灭之，以封大夫毕万，曾孙绛徙安邑也。左邑，莽曰兆亭。汾阴，介在山南。闻喜，故曲沃。晋武公自晋阳徙此。武帝元鼎六年行过，更名。濩泽，《禹

◆ 中国古典名著百部

贡》析城山在西南。端氏，临汾，垣，《禹贡》王屋山在东北，沁水所出，东南至武德入河，轹出荥阳北地中，又东至琅槐入海，过郡九，行千八百四十里。皮氏，耿乡，故耿国，晋献公灭之，以赐大夫赵夙。后十世献侯徙中牟。有铁官。莽曰延平。长修，平阳，韩武子玄孙贞子居此。有铁官。莽曰香平。襄陵，有班氏乡亭。莽曰千昌。彘，霍大山在东，冀州山，周厉王所奔。莽曰黄城。杨，莽曰有年亭。北屈，《禹贡》壶口山在东南，莽曰朕北。蒲子，绛，晋武公自曲沃徙此。有铁官。狐谿，骐，侯国。

太原郡，秦置。有盐官，在晋阳。属并州。户十六万九千八百六十三，口六十八万四千八百八十八。有家马官。县二十一：晋阳，故《诗》唐国，周成王灭唐，封弟叔虞。龙山在西北。有盐官。晋水所出，东入汾。蔭人，界休，莽曰界美。榆次，涂水乡，晋大夫知徐吾邑。梗阳乡，魏戊邑。莽曰太原亭。中都，于离，莽曰于合。兹氏，莽曰兹同。狼孟，莽曰狼调。邬，九泽在北，是为昭余祁，并州藪。晋大夫司马弥牟邑。孟，晋大夫孟丙邑。平陶，莽曰多穰。汾阳，北山，汾水所出，西南至汾阴入河，过郡二，行千三百四十里，冀州浸。京陵，莽曰致城。阳曲，大陵，有铁官。莽曰大宁。原平，祁，晋大夫贾辛邑。莽曰示。上艾，绵曼水，东至蒲吾。入陂池水。虑虬，阳邑，莽曰繁穰。广武，河主、贾屋山在北。都尉治。莽曰信桓。

上党郡，秦置，属并州。有上党关、壶口关、石研关、天井关。户七万三千七百九十八，口三十三万七千七百六十六。县十四：长子，周史辛甲所封。鹿谷山，浊漳水所出，东至邺入清漳。屯留，桑钦言“绛水出西南，东入海”。余吾，铜鞮，有上虬亭，下虬聚。沾，大龟谷，清漳水所出，东北至邑成入大河，过郡五，行千六百八十里，冀州川。涅氏，涅水也。襄垣，莽曰上党亭。壶关，有羊肠阪。沾水东至朝歌入淇。兹氏，杨谷，绝

水所出，南至野王入沁。高都，莞谷，丹水所出，东南入绝水。有天井关。潞，故潞子国。隰氏，阳阿，谷远，羊头山世靡谷，沁水所出，东南至荥阳入河，过郡三，行九百七十里。莽曰谷近。

河内郡，高帝元年为殷国，二年更名。莽曰后队，属司隶，户二十四万一千二百四十六，口百六万七千九十七。县十八：怀，有工官。莽曰河内。汲，武德，波，山阳，东太行山在西北。河阳，莽曰河亭。州，共，故国。北山，淇水所出，东至黎阳入河。平皋，朝歌，纣所都。周武王弟康叔所封，更名卫。莽曰雅歌。修武，温，故国。己姓，苏忿生所封也。野王，太行山在西北。卫元君为秦所夺，自濮阳徙此。莽曰平野。获嘉，故汲之新中乡，武帝行过更名也。轵，沁水，隆虑，国水东北至信成入张甲河，过郡三，行千八百四十里。有铁官。荡阴。荡水东至内黄泽。西山羗水所出，亦至内黄入荡。有羗里城，西伯所拘也。

河南郡，故秦三川郡，高帝更名。雒阳户五万二千八百三十九。莽曰保忠信乡，属司隶也。户二十七万六千四百四十四，口一百七十四万二百七十九。有铁官、工官。敖仓在荥阳。县二十二：雒阳，周公迁殷民，是为成周。《春秋》昭公二十二年，晋合诸侯于狄泉，以其地大成周之城，居敬王。莽曰宜阳。荥阳，卞水、冯池皆在西南。有狼汤渠，首受沛，东南至陈入颍，过郡四，行七百八十里。偃师，尸乡，殷汤所都。莽曰师成。京，平阴，中牟，圃田泽在西，豫州薮。有筦叔邑，赵献侯自耿徙此。平，莽曰治平。阳武，有博狼沙。莽曰阳桓。河南，故郟鄏地。周武王迁九鼎，周公致太平，营以为都，是为王城，至平王居之。缙氏，刘聚，周大夫刘子邑。有延寿城仙人祠。莽曰中亭。卷，原武，莽曰原桓。巩，东周所居。谷成，《禹贡》壘水出亭北，东南入雒。故市，密，故国。有大騊山，潁水所出，南至临

◆ 中国古典名著百部

颍入颍。新成，惠帝四年置。蛮中，故戎蛮子国。开封，逢池在东北，或曰宋之逢泽也。成皋，故虎牢。或曰制。苑陵，莽曰左亭。梁，兕狐聚，秦灭西周徙其君于此。阳人聚，秦灭东周徙其君于此。新郑，《诗》郑国，郑桓公之子武公所国，后为韩所灭，韩自平阳徙都之。

东郡，秦置。莽曰治亭。属衮州。户四十万一千二百九十七，口百六十五万九千二十八。县二十二：濮阳，卫成公自楚丘徙此。故帝丘，颍项虚。莽曰治亭。畔观，莽曰观治。聊城，顿丘，莽曰顺丘。发干，莽曰戢楯。范，莽曰建睦。茌平，莽曰功崇。东武阳，禹治漯水，东北至千乘入海，过郡三，行千二十里。莽曰武昌。博平，莽曰加睦。黎，莽曰黎治。清，莽曰清治。东阿，都尉治。离狐，莽曰瑞狐。临邑，有沛庙，莽曰谷城亭。利苗，须昌，故须句国，太昊后，风姓。寿良，蚩尤祠在西北沛上。有胸城。乐昌，阳平，白马，南燕，南燕国，姑姓，黄帝后，廩丘。

陈留郡，武帝元狩元年置。属衮州。户二十九万六千二百八十四，口一百五十万九千五十。县十七：陈留，鲁渠水首受狼汤渠，东至阳夏，入涡渠。小黄，成安，宁陵，莽曰康善。雍丘，故杞国也，周武王封禹后东楼公。先春秋时徙鲁东北，二十一世简公为楚所灭。酸枣，东昏，莽曰东明。襄邑，有服官。莽曰襄平。外黄，都尉治。封丘，濮渠水首受沛，东北至都关，入羊里水，过郡三，行六百三十里。长罗，侯国。莽曰惠泽。尉氏，僞，莽曰顺通。长垣，莽曰长固。平丘，济阳，莽曰济前。浚仪。故大梁。魏惠王自安邑徙此。睢水首受狼汤水，东至取虑入泗，过郡四，行千三百六十里。

颍川郡，秦置。高帝五年为韩国，六年复故。莽曰左队。阳翟有工官。属豫州。户四十三万二千四百九十一，口二百二万九百七十三。县二十：阳翟，夏禹国。周末，朝景侯自新郑徙

此。户四万一千六百五十，口十万九千。莽曰颍川。昆阳，颍阳，定陵，有东不羹。莽曰定城。长社，新汲，襄城，有西不羹。莽曰相城。郾，郟，舞阳，颍阴，颍高，武帝置，以奉太室山，是为中岳。有太室、少室山庙。古文以崇高为外方山也。许，故国，姜姓，四岳后，大叔所封，二十四世为楚所灭。偃陵，户四万九千一百一，口二十六万一千四百一十八。莽曰左亭。临颍，莽曰监颍。父城，应乡，故国，周武王弟所封。成安，侯国也。周承休，侯国，元帝置，元始二年更名郑公。莽曰嘉美。阳城，阳城山，洧水所出，东南至长平入颍，过郡三，行五百里。阳乾山，颍水所出，东至下蔡入淮，过郡三，行千五百里，荆州浸。有铁官。纶氏。

汝南郡，高帝置。莽曰汝汾。分为赏都尉。属豫州。户四十六万一千五百八十七，口二百五十九万六千一百四十八。县三十七：平舆，阳安，阳城，侯国。莽曰新安。潁强，富波，女阳，鲋阳，吴房，安城，侯国。莽曰至成。南顿，故顿子国，姬姓。朗陵，细阳，莽曰乐庆。宜春，侯国。莽曰宜孺。女阴，故胡国。都尉治。莽曰汝坟。新蔡，蔡平侯自蔡徙此，后二世徙下蔡。莽曰新迁。新息，莽曰新德。灊阳，期思，慎阳，慎，莽曰慎治。召陵，弋阳，侯国。西平，有铁官。莽曰新亭。上蔡，故蔡国，周武王弟叔度所封。度放，成王封其子胡，十八世徙新蔡。寝，莽曰闰治，西华，莽曰华望。长平，莽曰长正。宜禄，莽曰赏都亭。项，故国。新鄴，莽曰新延。归德，侯国。宣帝置。莽曰归惠。新阳，莽曰新明。安昌，侯国。莽曰始成。安阳，侯国。莽曰均夏。博阳，侯国。莽曰乐家。成阳，侯国。莽曰新利。定陵。高陵山，汝水出，东南至新蔡入淮，过郡四，行千三百四十里。

南阳郡，秦置。莽曰前队。属荆州。户三十五万九千三百一十六，口一百九十四万二千五十一。县三十六：宛，故申伯国。

有屈申城。县南有北筮山。户四万七千五百四十七。有工官、铁官。莽曰南阳。犍，杜衍，莽曰闰衍。酆，侯国。莽曰南庚。育阳，有南筮聚，在东北。博山，侯国，哀帝置。故顺阳。涅阳，莽曰前亭。阴，堵阳，莽曰阳城。雒，衡山，澧水所出，东至鄢入汝。山都，蔡阳，莽之母功显君邑。新野，筑阳，故穀伯国。莽曰宜禾。棘阳，武当，舞阴，中阴山，淅水所出，东至蔡入汝。西鄂，穰，莽曰农穰。郾，育水出西北，南入汉。安众，侯国。故宛西乡。冠军，武帝置。故穰卢阳乡、宛临骠聚。比阳，平氏，《禹贡》桐柏大复山在东南，淮水所出，东南至淮陵入海，过郡四，行三千二百四十里。青州川。莽曰平善。随，故国。厉乡，故厉国也。叶，楚叶公邑。有长城，号曰方城。邓，故国。都尉治。朝阳，莽曰厉信。鲁阳，有鲁山。古鲁县，御龙氏所迁。鲁山，淅水所出，东北至定陵入汝，又有昆水，东南至定陵入汝。舂陵，侯国。故蔡阳白水乡。上唐乡，故唐国。新都，侯国。莽曰新林。湖阳，故廖国也。红阳，侯国。莽曰红俞。乐成，侯国。博望，侯国。莽曰宜乐。复阳，侯国。故湖阳乐乡。

南郡，秦置，高帝元年更为临江郡，五年复故。景帝二年复为临江，中二年复故。莽曰南顺。属荆州。户十二万五千五百七十九，口七十一万八千五百四十。有发弩官。县十八：江陵，故楚郢都，楚文王自丹阳徙此。后九世平王城之。后十世秦拔我郢，徙东。莽曰江陵。临沮，《禹贡》南条荆山在东北，漳水所出，东至江陵入阳水，阳水入沔，行六百里，夷陵，都尉治。莽曰居利。华容，云梦泽在南荆州藪。夏水首受江，东入沔，行五百里。宜城，故鄢，惠帝三年更名。郢，楚别邑，故郢。莽曰郢亭。郢，当阳，中庐，枝江，故罗国。江沱出西，东入江。襄阳，莽曰相阳。编，有云梦官。莽曰南顺。姊归，归乡，故归国。夷道，莽曰江南。州陵，莽曰江夏。若，楚昭王畏吴，自郢徙此，后复还郢。巫，夷水东至夷道入江，过郡二，行五百四十

里。有盐官。高成，淝山，淝水所出，东入繇。繇水南至华容入江，过郡二，行五百里，莽曰言程。

江夏郡，高帝置。属荆州。户五万六千八百四十四，口二十一万九千二百一十八。县十四：西陵，有云梦官。莽曰江阳。竟陵，章山在东北，古文以为内方山。郢乡，楚郢公邑。莽曰守平。西阳，襄，莽曰襄非。邾，衡山王吴芮都。软，故弦子国。鄂，安陆，横尾山在东北，古文以为倍尾山。沙羨，蕲春，郢，云杜，下雎，莽曰闰光。钟武，侯国。莽曰当利。

庐江郡，故淮南，文帝十六年别为国。金兰西北有东陵乡，淮水出。属扬州。庐江出陵阳东南，北入江。户十二万四千三百八十三，口四十五万七千三百三十三。有楼船官。县十二：舒，故国。莽曰昆乡。居巢，龙舒，临湖，雩娄，决水北至蓼入淮，又有灌水，亦北至蓼入决，过郡二，行五百一十里。襄安，莽曰庐江亭也。枞阳，寻阳，《禹贡》九江在南，皆东合为大江。灊，天柱山在南。有祠。泚山，泚水所出，北至寿春入芍陂。皖，有铁官。湖陵邑，北湖在南。松兹，侯国。莽曰诵善。

九江郡，秦置，高帝四年更名为淮南园，武帝元狩元年复故。莽曰延平。属扬州。户十五万五十二，口七十八万五百二十五。有陂官、湖官。县十五：寿春邑，楚考烈王自陈徙此。浚遒，成德，莽曰平阿。橐皋，阴陵，莽曰阴陆。历阳，都尉治。莽曰明义。当涂，侯国。莽曰山聚。钟离，莽曰蚕富。合肥，东城，莽曰武城。博乡，侯国。莽曰扬陆。曲阳，侯国。莽曰延平亭。建阳，全椒，阜陵。莽曰阜陆。

山阳郡，故梁。景帝中六年别为山阳国。武帝建元五年别为郡。莽曰巨野。属兖州。户十七万二千八百四十七，口八十万一千二百八十八。有铁官。县二十三：昌邑，武帝天汉四年更山阳为昌邑国。有梁丘乡。《春秋传》曰“宋、齐会于梁丘”。南平阳，莽曰崑平。成武，有楚丘亭。齐桓公所城，迁卫文公于此。

◆ 中国古典名著百部

子成公徙濮阳。莽曰成安。湖陵，《禹贡》“浮于泗、淮，通于河”，水在南。莽曰湖陆。东昏，方与，橐，莽曰高平。巨野，大野泽在北，兖州藪。单父，都尉治。莽曰利父。薄，都关，城都，侯国。莽曰城谷。黄，侯国。爰戚，侯国。莽曰戚亭。郃成，侯国，莽曰告成。中乡，侯国。平乐，侯国。包水东北至沛入泗。郑，侯国。瑕丘，留乡，侯国。栗乡，侯国。莽曰足亭。曲乡，侯国。西阳。侯国。

济阴郡，故梁。景帝中六年别为济阴国。宣帝甘露二年更名定陶。《禹贡》荷泽在定陶东。属兖州。户二十九万二千五百三十八万六千二百七十八。县九：定陶，故曹国，周武王弟叔振铎所封。《禹贡》陶丘在西南。陶丘亭。冤句，莽改定陶曰济平，冤句县曰济平亭。吕都，莽曰祈都。葭密，成阳，有尧冢灵台。《禹贡》雷泽在西北。鄆城，莽曰鄆良。句阳，秭，莽曰万岁。乘氏。泗水东南至睢陵入淮，过郡六，行千一百一十里。

沛郡，故秦泗水郡。高帝更名。莽曰吾符。属豫州。户四十九万九千七十九，口二百三万四百八十。县三十七：相，莽曰吾符亭。龙亢，竹，莽曰笃亭。谷阳，萧，故萧叔国，宋别封附庸也。向，故国。《春秋》曰“莒人入向”。姜姓，炎帝后。缑，广戚，侯国。莽曰力聚。下蔡，故州来国，为楚所灭，后吴取之，至夫差迁昭侯于此。后四世侯齐竟为楚所灭。丰，莽曰吾丰。郿，莽曰单城。谯，莽曰延成亭。蕲，缶乡。高祖破黥布。都尉治。莽曰蕲城。虹，莽曰贡。辄与，莽曰华乐。山桑，公丘，侯国。故滕国，周懿王子错叔绣，文王所封，三十一世为齐所灭。符离，莽曰符合。敬丘，侯国，夏丘，莽曰归思。洨，侯国。垓下，高祖破项羽。莽曰育成。沛，有铁官。芒，莽曰博治。建成，侯国。城父，夏肥水东南至下蔡入淮，过郡二，行六百二十里。莽曰思善。建平，侯国。莽曰田平。酈，莽曰赞治。栗，侯国。莽曰成富。扶阳，侯国。莽曰合治。高，侯国。高柴，侯

国。漂阳，平阿，侯国。莽曰平宁。东乡，临都，义成，祁乡。侯国。莽曰会谷。

魏郡，高帝置。莽曰魏城。属冀州。户二十一万二千八百四十九，口九十万九千六百五十五。县十八：邺，故大河在东北入海。馆陶，河水别出为屯氏河，东北至章武入海，过郡四，行千五百里。斥丘，莽曰利丘。沙，内黄，清河水出南。清渊，魏，都尉治。莽曰魏城亭。繁阳，元城，梁期，黎阳，莽曰黎蒸。即裴，侯国。莽曰即是。武始，漳水东至邯鄲入漳，又有拘涧水，东北至邯鄲入白渠。邯会，侯国。阴安，平恩，侯国。莽曰延平。邯沟，侯国。武安。钦口山，白渠水所出，东至列人入漳，又有寝水，东北至东昌入厚池河，过郡五，行六百一里。有铁官。莽曰桓安。

巨鹿郡，秦置。属冀州。户十五万五千九百五十一，口八十二万七千一百七十七。县二十：巨鹿，《禹贡》大陆泽在北。紂所作沙丘台在东北七十里。南隰，莽曰富平。广阿，象氏，侯国。莽曰宁昌。廩陶，宋子，莽曰宜子。杨氏，莽曰功陆。临平，下曲阳，都尉治。贯，鄲，莽曰秦聚。新市，侯国。莽曰市乐。堂阳，有盐官。尝分为经县。安定，侯国。敬武，历乡，侯国。莽曰历聚。乐信，侯国。武陶，侯国。柏乡，侯国。安乡。侯国。

常山郡，高帝置。莽曰井关。属冀州。户十四万一千七百四十一，口六十七万七千九百五十六。县十八：元氏，沮水首受中丘西山穷泉谷，东至堂阳入黄河。莽曰井关亭。石邑，井陘山在西，洹水所出，东南至廩陶入淇。桑中，侯国。灵寿，中山桓公居此。《禹贡》卫水出东北，东入厚池。蒲吾，有铁山。大白渠水首受绵曼水，东南至下曲阳入斯汶。上曲阳，恒山北谷在西北。有祠。并州山。《禹贡》恒水所出，东入淇。莽曰常山亭。九门，莽曰久门。井陘，房子，赞皇山，石济水所出，东至廩陶